


# Labib pou Zanfan prezant



## Paradi, Bondie So Zoli Lakaz



Ekrir par: Edward Hughes

Ilistre par: Lazarus  
Alastair Paterson

Adapte par: Sarah S.

Tradir par: [www.christian-translation.com](http://www.christian-translation.com)

Prodir par: Bible for Children  
[www.M1914.org](http://www.M1914.org)


©2021 Bible for Children, Inc.

Lisans: Ou ena drwa kopie swa inprim sa zistwar la, tan ki ou pa vann li.

Kan Zezi ti pe viv lor later Li finn koz avek So bann disip lor Paradi. Li finn apel sa "Mo Papa So lakaz", ek Li finn dir ki ena boukou manwar laba. Enn manwar se enn lakaz ki gran ek zoli. Paradi li pli gran ek pli zoli ki nimport ki lakaz lor later.



Zezi finn dir, "Mo pou prepar enn plas pou zot. Ek si Mo fini prepar zot plas, Mo pou revini ek Mo pou pran zot avek Mwa." Zezi finn al Paradi, apre ki Li finn resisite depi bann mor. Pandan ki So bann disip ti pe gete, Zezi finn mont lor lesiel, ek enn niaz finn anvlop Li ek finn kouver zot vizion.




3

Depi sa moman la, bann Kretien finn rapel Zezi So promes ki Li pou retourne pou pren zot. Zezi finn dir ki Li pou retourne par sirpriz, kan bann dimounn pa pou atan. Me ki ariv bann Kretien ki finn mor avan Zezi vini? Labib dir ki zot pou al direk dan lesiel avek Zezi. Kan nou absan depi nou lekor nou prezan avek Lesegner.




4

Revelasion, dernie liv dan Labib, explik nou kouma Paradi zoli. Pli zoli zafer, dan enn fason bien spesial, seki Paradi se Bondie So lakaz. Bondie Li partou, me So tronn trouv dan Paradi.



5

Bann anz ek bann lezot abitan lesiel sant la glwar pou Bondie dan Paradi. Mem zafer pou Bondie So bann dimounn ki finn mor ek ki finn al dan Paradi. Zot sant bann sante spesial pou fer louanz Bondie.




6

Ala inpe mo depi bann sante ki zot ti pe sante:  
**TO MERIT ELOZ PARSKI AVEK TO DISAN**  
**TO FINN RASTE POU BONDIE**  
**BANN DIMOUNN DEPI TOU**  
**TRIBI EK NASION EK TO**  
**FINN FER NOU VINN BANN**  
**LERWA EK**  
**PRET POU**  
**NOU**  
**BONDIE.**  
 (Rev. 5:9)



7

Bann dernie paz dan Labib dekrir Paradi kouma "Nouvo Zerizalem". Li bien, bien gran, ek ena bann miray bien ot andeor. Miray la ti konstrir ar pier presiez, transparan parey kouma kristal. Fondation miray lavil la ti orne ar bann bizou ek pier presiez ki briye avek bann zoli kouler. Sak laport lavil ti fer avek enn sel per!!




8

Sa bann laport avek perl la zame finn ferme. Les nou rant andan nou gete ... ENKRWAYAB! Paradi ankor pli zoli andan. Lavil la finn fer an-or pir, kler kouma kristal. Mem sime la ti fer an-or.




9

Enn zoli larivier kler avek dilo lavi koul depi Bondie so tronn. Lor de kote larivier ena pie lavi, ki ti finn trouve avan dan Zardin Eden. Sa pie la bien spesial. Li donn douz diferan kalite fri, enn diferan kalite sak mwa. Ek bann fey depi pie lavi servi pou geri lepep.




10

Paradi pa bizin soley ouswa lalinn pou ekler li. Bondie So prop laglwar ranpli li avek bann zoli lalimier. Zame pena lanwit laba.



11

Mem bann zanimo dan Paradi diferan. Zot tou bien aprivwaze ek zanti. Bann lelou ek bann mouton manz lerb ansam. Mem bann lion otan for pe manz lapay kouma bann bef. Lesegner dir, "Zot pa pou bles ouswa detrir dan Mo montagn sakre."



12

Kan nou get otour, nou remarke ki ena bann zafer ki manke dan Paradi. Pena okenn koler ki tande. Pena personn ki lager ouswa egois. Pena okenn serir dan bann laport, akoz pena okenn voler dan Paradi. Pena okenn manter, mertriye, sorsie, oubien bann lezot move dimounn. Pena okenn pese dan Paradi.



13

Dan Paradi avek Bondie pena okenn larm. Defwa, Bondie So bann dimounn plore parski zot bien tris. Dan Paradi, Bondie pou fer tou larm sek.



14


Pena osi okenn lamor dan Paradi. Bondie So bann dimounn pou touzour res ek Lesegner. Pa pou ena okenn tristes, okenn plore, okenn douler. Okenn maladi, okenn separasion, okenn lanterman. Tou dimounn dan Paradi pou ere pou touzour avek Bondie.



15

Pli zoli, Paradi se pou bann garson ek bann tifi (ek bann adilt osi) ki finn kroir dan Zezi kouma zot Sover ek ki finn obeir Li kouma zot Segner. Dan Paradi ena enn liv ki apel Liv Lavi Annyo. Li ranpli avek bann nom dimounn. Eski zot kone ki bann nom ki ekrir ladan? Tou bann dimounn ki finn fer Zezi konfians.

Eski to nom dan liv la?



16

Bann dernie mo dan Labib lor Paradi se enn zoli invitation: "Ek Lespri ek nouvel marye dir, 'Vini!' Ek dimounn ki tann sa, zot osi dir, 'Vini!' Ek dimounn ki swaf bizin vini. Ek dimounn ki anvi pran dilo lavi, pran li gratis."



17

Paradi, Bondie So Zoli Lakaz


Enn zistwar depi parol Bondie, Labib,

trouv dan

Zan 14; 2 Korint 5;  
Revelasion 4, 21, 22

"Dekuvrir To bann Parol aport lalimier."  
Som 119:130

18



60

60

19

Sa zistwar Labib la dir nou lor nou merveye Bondie ki finn kree nou ek ki anvi zot kone Li.

Bondie kone nou finn fer bann move zafer, ek Li apel sa pese. Pinision pou pese se lamor, me Bondie kontan twa telman boukou ki Li finn anvoy So sel Garson, Zezi, pou mor lor enn Lakrwa ek finn et pini pou to bann pese. Lerla Zezi finn regagn lavi ek Li finn al So lakaz dan Paradi! Si to kroir dan Zezi ek to demann Li pardon pou to bann pese, Li pou fer li! Li pou vini ek Li pou viv dan twa aster, ek to pou viv ek Li pou touzour.

Si to kroir samem laverite, dir sa Bondie: Ser Zezi, mo kroir ki Toem Bondie, ek To finn vinn enn zom pou mor pou mo bann pese, ek aster To pou viv ankor. Silteple vinn dan mo lavi ek pardonn mo bann pese, koumsa mo kapav gagn enn nouvo lavi aster, ek enn zour mo pou al avek Twa pou touzour. Ed mwa pou obeir Twa ek viv pou Twa kouma To zanfan. Amen.

Lir Labib ek koz avek Bondie toulezour! Zan 3:16

20